



Nonomwochun Semirit me Serafo non Foster Care

Taropwen Aninis Ren Ekkewe Chon
Tumwun me Ekkewe Nenian Tumwun
Semirit Fanitan Aninisin me Tumwunun
Fefeitan Me Mamaritan Semirit

Nonomwoch me Kinamwe - Pwata E Auchea ngeni Semirit me Serafo non Foster Care

Seni met ra nenengeni ren mamaritan semirit me serafo, “nonomwoch” a wewe ngeni aukukun ier me fefeitan mwokutukut, sinei, me fansoun an epwe fori mwokutukutun serafo iteitan ran an epwe watte me etiwa “nonomwoch” och mettoch mei wires non nonomwun emon semirit me serafo (fan annukun ewe Center for Study of Social policy, 2014).

Met famini mi fofori ngeni nour kewe semirit me serafo ina met ekkewe semirit non foster care re need ren fetaneochun nonomwur/mamawer. Sopwosopwonon eochun non famini a aninis ren **pekin appet** seni mwokutukut mi afeiengaw ren an ekkewe semirit/serafo repwe tonong non (Moretti & Peled, 2004). Ika mwo fanitan nonomwun serafo me ririn nefiner ngeni ar famini mi nikasiwin iteitan, nge mei chok wor auchean ar famini ngenir mi fokkun auchea fanitan nonomwur (Howe, et al., 1999). Non chok ena atun, participation non extracurricular me social activities mi tongeni siwini manawan chommong semirit ar repwe siwin ngeni manawan serafo.

Nupwen ekkewe semirit rese mwo tongeni fiti ekkewe mwokutukut re need ar repwe mamarita, rese mwo moneta ar repwe usun ekkewe ra watte ika serafo. Chommong semirit ra wattenon me non ekkewe nenian tumwun ra experiencini unemployment me nafangawan moni tonong, homeless, me kanapwus.
(<http://www.jimcaseyyouth.org/about/aging-out>)

Ren pekin kутten porausan non tupwuwan serafo a fateno pwata ekkei sakkun nikinik mi weires ngeni mamaritan semirit. Wattenon kaeo nupwen omw serafo mei fokkun auchea me nepoputan omw chiwen kukun. Mamaritan semirit a fis non tupwuwan serafo non ar frontal lobes, non ewe prefrontal cortex, a wisen nemeni ar ekiek, monota, finata, pwungupwung, me nukunuk. Chemicals non mokur e mwokut nupwen ar fansoun mamarita, a ngeni ewe aramas ukukun met e need an epwe sotuni ne fori mwokutukutun serafo ika me ar angang. Pwan chok non ena atun, serafo ra fokkun chengen, pwan siwin nikinikir, me mochen sinei ika fori ekkoch minafon nikinik me sotuni ar repwe pusin fori on pusin ar.

Ewe mamarita ren tupwuwan serafo a awora ew “asamen/anen ar fansoun.” Pokitan riri fengen ina kian fefeitan me nepoputan, riri-fengen mi sopwosopwono non nonomun serafo. Aninisin chon tumwun mi need an epwe anisi ekkewe semirit ar repwe kutta non ei fansoun ne ngenir “normal” fofor me anisir ar repwe ekieki met ar finata non nonomwur/manawer (Henderson, 2011; Farruggia, 2006).

Sopwosopwonon, semirit me serafo non nenian tumwun ar repwe tongeni forata ar social capital ika nonomwun manawer. Social capital ewe “auchea mi foruta seni met en mi wanong non ewe relationship ngeni ekkoch ren omw nukunuk me nikasiwinin mettoch” (JLC, 2015).

Wewen:

“Anongonong won Taween-lerin” wewen ew mwokutukut ika mettoch mei ketiw ngeni emon semirit non aukukun ierin ika an sinei. Taween-lerin mi anongonong on mamaritan ekiekin, mwokutukutun, nikinikin, me foforon emon mei wewe ngeni ierin ika aukukun non ew mwich. Fanitan emon semirit, mwokutukut ika mettoch mei each ngeni ewe semirit anongonong on ewe keukun ewe semirit mei tori ren an sinei sufon, me keukun an mwokutukut.

“Resource Famini” ika **“chon tumwunun resource”** wewen ew famini ika emon aramas ika ew mettoch mei affat fanitan ew nenian tumwunun semirit mi: (1) Wor noun Laisen seni ewe Department of Human Services an epwe awora anisin temporary safe foster care ngeni semirit mi nomw fan ewe jurisdiction ren ewe kinikin ren tumwun me-nukun iimw.

“Nenien Tumwunu Semirit” ika **“group home”** wewen ekkoch neni mi license seni ewe department, fanitan ewe ar angei onomen kukun semirit ika nap seni onomen seni ekkewe iin/am ika chon tumwunur non chok och mochomochan fansoun ren ar repwe tumwunur, me isonir non ukukun rue-me -ruanu awa nge mi kamo.

“CCI Caregiver” ei taropwe a for fanitan ekkewe CCI caregiver on ewe angang mi wewe ngeni ekkewe ra kefinita ar repwe tumwunu ekkewe semirit non ewe nenian tumwunun semirit ika Child Caring Institution (CCI) ika emon on-site CCI caregiver, wewen emon chon tumwunu semirit me non ew neni mi nomw fan pwungun ew Child Caring Institution (CCI). Ew me ew CCI mi affat an emon chon angang epwe nomw on-site pwe epwe emon "chon tumwun" ika emon on-site "caregiver" epwe wisan fori an iin/sam angang ngeni emon me emon ekkewe semirit. Meininis shifts mi need an epwe finata emon chon tumwun epwe nomw on-site mi fen resif training ren ewe reasonable me prudent parent standard iwe an epwe wisan fori me finata ika anisi ewe semirit ika serafo ren met mei tufich ngeni ierin. Ewe aramas epwe i emon chon tumwun, esapw emon seni ew committee ika chon non offes.

“Qualified Immunity”-(usun mi affat non HRS 346-17) ew me nein ekkei resource caregiver ika child caring institution repwe uwau ew cerficate ren approval ren ei kinikin epwe immune seni liability non ewe civil action an epwe recover damages ika feiengaw, mano, ika poutuno ngeni emon aramas ika pisek mi results seni authorizing emon semirit fan tumwunuwan emon chon tumwun me non ewe neni an epwe participate non ewe extracurricular, enrichment, cultural, ika social activity; mi kawor an ewe authorization epwe nom non accordance ngeni ewe reasonable me prudent parent standard mi affat non itenap 42 United States Code section 675 (10) (A).

“Reasonable me prudent parent standard” wewen ewe standart characterized seni tumwunun me mefian iin/sam ewe a tumwunu me appeti tumwunun ewe semirit me apochokuna mamaritan ewe semirit, ren an ewe resource caregiver me on-site CCI caregiver repwe eaea nupwen repwe mwut ngeni ewe semirit an epwe fori sakopaten nikinik, non sukun, nukun sukun, pachanong pwan ekkoch activities.

NONOMWOCHUN SEMIRIT ME SERAFO NON FOSTER CARE

“**Serafo**” non ei taropwe a wewe ngeni ekkewe non foster care rese mwo tori engon me wanu ierir ika “young people” ika “young person” pun “normal” wewen ach kunok ren emon aramas nge esapw emon “foster kid”.

“**Youth Voice**” a ngeni ekkewe semirit ar fansoun ar repwe uwau meifer me ar mochen, need me ar osukosuk non ewe neni mi nukunukeoch. Youth Voice mi pachenong fororun “authentic youth engagement”ⁱ, nupwen serafo ra pachenong non ekkoch mwokutukut mi apochokuner me apwapwar fanitan och mettoch. Ra pusin tumwunu inisir me eaea ar sinei non iimw, nukun, me on pusin inisir. Watte ra fori pwomwan ar angang non Youth Voice ar chiechi fengen ne anisi ekkewe kukun semirit. Mwan/fefin ir repwe apochokuna chon sukun repwe pusin tumwunu inisir, watiw ar aninis ngeni ekkewe serafo ika semirit, me anisir ika repwe need aninis.

Nupwen serafo ra pusin tumwunu on pusin inisir, ra awateino ar tufich me akukunano feiengawan mwokutukut me ekkoch mettoch ese eoch. Nupwen serafo ra fokkun pochokun me tongeni ar repwe mengungu me anei aninisir ar repwe pusin finata met repwe fori, ra poputa ne empowered iwe ren ei mi angawa nonomwur. Emon aramas mi chok serafo i mi need ekkei sakkun aninis me practice nupwen repwe watt ear repwe mamarita me pochokun non ar nonom.

Serafo re eaea ar sinei me non iimw, sukun, angang, nenian safei, tumwun me pusin on winikaper. Ekkoch awewe ren serafo ar eaea ar sinei:

Emon serafo a mochen kut an angang murin sukun nge Ir mi chok 16 ierir, ewe ier ka tongeni angang me Hawaii. Ra eisini nour kewe chon aninis me chon tumwun ika ir mei tongeni kuta r angang arap ngeni ar nenian sukun me pwon pun repwe achocho non ar kaeo pwan save-ini niwinir non ar bank account.

Emon serafo a mochen sotuni an epwe fiti urumwot non sukun. Ra eisini nour kewe chon aninis me chon tumwun ar repwe anisir me kutta pisekir pwan tungor ren ar repwe uweir ngeni ar nenian urumwot ika repwe fiti ewe urumwot.

Emon serafo a mochen play basketball ren an high school. A tungorei noun we resource caregiver me social worker ren aninis ne kutta aninisin ika monian pisekin ren uniforms me pisekin urumwot me pwan waan ne no ngeni an practice me pwan niwin sefan.

(2012 Jim Casey Youth Opportunities Initiative Issue Brief)

“**Social Capital**” ew nikinik a for seni omw chiechi ngeni ekkoch seni omw nuku me kesiwinin mettoch.

“**Normal**” wewen me ren ekkewe semiritin foster care, fiti chochon ewe faminian tong, aniniseoch, chiechioch, ir mi fifiti ekkewe mwokutukut iteitan ran, ren emon aramas, esapw chok och iit, me finata, sotuni minafon mettoch me fan ekkoch fori mi mwan. Kaeo seni met mi mwan nge kosapw nounou ne ureni emon semirit ika serafo an epwe tou/suno.

“**Pisekin appet**” chon tumwun ika resource caregivers me on-site CCI caregivers repwe forata ekkoch mettochun appet an epwe akukunano tumwunungawan me afeiengaw ngeni semirit, ekkei pisekin appet mi pachenong:

- **Serafo mi Pochokun**-anisi semirit/serafo ar repwe tongeni kinamwe me pochokun nupwen repwe mefi nipwakingaw me osukosuk; mamarita me eochun kesiwin ina eochun.
- **Social Connections**-anisir ar repwe chiechieoch ngeni aramas, mwiich, me aterenges pwan mwut ngenir ar repwe poporaus.
- **Fefeitan/mamaritan an semirit me serafo sinei**-weweiti sakopaten mwokutukutun serafo; fori angangaochun foror me anisi semirit/serafo ar repwe mamarita me sinei mettoch.
- **An Semirit Sopwoch non Nonomwur me Mokurer**-anisi ewe semirit/serafo ren mwokutukutun me mamaritan an epwe sinei met epwe fori pwe epwe fokkun sopwoch, pwapwa me kinamwe ika a watte.
- **Apochokuna aninis non fansoun need**-Anisi semirit/serafo ar repwe weweiti namwotan/auchean tungoren aninis me anisi emon, an epwe tori aniniseoch me sufon, awora fansoun an epwe wattenno an sinei, me pochokun non ekiokin.

Ewe Appetin Foforongaw/Amomo Aramas me Apochokuna Angangan Famini (Public Law 113-183)

Ei mwokutukut a sain non annuk on September 29, 2014, a fori an epwe awattenno an ekkewe semirit/serafo fansoun non foster care ar repwe fiti ekkewe pekin mwokutukut ren saai, (sleep overs) mour non ekkoch neni me fori ekkoch mwokutukut. Ekkei foror mi mwut ngeni ekkewe semirit ar repwe poputa ne kaeo, nupwen ar fori ekkoch mettoch ren chiener me pwan ekkoch aramas. Minafon mwokutukut me nikinik- pwan mwo eochun foror me finata – mi pwan anisi semirit/serafo ar repwe sinei ir io me kaeo auchean mwokutukut nupwen ekkewe chon aninis repwe anisir/tumwunur. Ewe minafon annuk a require ekkewe states ar repwe anisi mamaritan serafo me tumwunur seni met ir mi aitir seni ewe “reasonable and prudent parent” taropwen appiru ren memef seni ekkewe caregivers me on-site CCI caregivers.

I. Mwokutukutun Auchean omw Finata fanitan Pochokunan me Tumwunun Semirit me Angangeochun lin/Sam

1. Prudent Parent Standards (Angangeochun/Tumwunuochun lin/Sam Ngeni Semirit fanitan Tumwun me Pochokunan Semirit)

- a. **Ewe mwokutukutun auchean omw finata fanitan pochokunan me tumwunun semirit me angangeochun iin/sam** a feito seni angangeoch, me finieoch ngeni pochokunan me tumwunun semirit me pwan apochokuna ngeni ewe semirit an epwe mamarita nge epwe sinei met ekkewe caregiver ika on-site CCI caregivers repwe finata ika mwut

- ngeni ewe semirit an epwe fiti ekkewe ekkoch mwokutukut mi fis non sukun, angangan tufich, mwich.
- b. Ren porausan ei mwokutukut mi require ekkewe resource caregivers me onsite CCI caregiver ar repwe sinei me weweiti pochokunan me mochenin ekkewe semirit/serafo re nomw non ewe iim/neni. Resource caregivers me on-site CCI caregivers re need ar repwe poraus, anea me nomw ngeni ekkewe semirit, nge met resource caregivers me on-site CCI caregivers repwe wessen need ar repwe sinei ren ifa usun ar nomw ngenir mi awora sokkonon mwokutukut, sinei me ekiekin ekkewe semirit/serafo.
 - c. Emon me emon semirit/serafo mi nom non foster care, ese nifinifin ir seni ian, met terir, nengin/at, ierir, me ar namanam, mi wor ar **pwuung** ar repwe fiti ekkewe mwokutukut me nikinik mi tawe ngenir.
 - d. Meininis resource caregivers me on-site CCI caregivers repwe eaea ewe reasonable me prudent parent standard ar repwe sinei ika repwe mwut ngeni ekkewe semirit/serafo ar repwe fori eochun nikinik me non sukun, nukun sukun, me social ika cultural activities.
 - e. Resource Caregivers me on-site CCI caregivers repwe awora ew (nurturing environment) mwichan tumwun an epwe apochokuna mwokutukut me mamarita pwan awora ew auchaeen pekin kaeo ngeni famini.
 - f. Resource Caregivers me on-site CCI caregivers repwe aninis ren tumwun non ewe healthy development ren semirit/serafo seni met ir mei wanong me fori an epwe anisi pochokunan me tumwun ekkewe semirit me met ir mei pwapwaiti. Ekkei decisions mei pachenong ekkoch angang weires mi apochokunok mi fer seni iin/sam ren ekkewe semirit rese nomw non foster care. Ei mwokutukut mi for an epwe awora foforun “normalcy” me fansoun omw kopwe nomw non mwokutukut mi apochokunok mi pwan ngeni meininis sakopaten aramas. Ewe reasonable me prudent parent standard epwe poputa ne mwokutukut fanitan omw sotuni/fori pwan ina sopwosopwun omw mamarita.
 - g. Resource caregivers me on-site CCI caregivers repwe pwan fori ar aninis me non ar famini, chiechier, me aterenges ar repwe anisi mamaritan me tumwun semirit/serafo.
 - h. Resource Caregivers me on-site CCI caregivers repwe fori pwan apochokuna **protective factors** ren akukunano feiengaw me tumwunungaw, ekkewe **nikinik** mi pachenong: omw nukunuk, chiechi ngeni ekkoch, sinei non omw mamarita, an semirit angang me fofour, me apochokuna aninis non fansoun need.

2. Ekieki ren Mwokutukutun ewe Angangeochun/Tumwunuochun Iin/Sam Ngeni Semirit fanitan Tumwun me Pochokunan Semirit

Nupwen eaeen ewe reasonable me prudent parent standard, ew me ew resource caregiver me on-site CCI caregivers repwe ekieki ekkei mettoch:

- a. Ierin ewe semirit, an a watte, me ukukun an sinei an epwe maintain an pochokun me tumwun.
Awewe: Ika mwo emon semirit ierin 14, ewe kachito ren PG-13 movie mei wor content ren an semirit esapw tongeni fori nge esapw wor foforongaw ika pochokunan poraus?
- b. Ei potential risk factores me eochun ewe fofor me non sukun, nukun sukub, ika pwan ekkoch nikinik.
Awewe: Met osukosuk mi sokono omw kopwe mwut ngeni emon serafo epwe fiti chiechian ngeni sukun ika mwut ngeni ewe serafo epwe fiti chienan ngeni ew concert ika pari nepwin?
- c. Met mi apwapwai ewe semirit, anongonong on sineian ewe resource caregiver me on-site CCI caregiver.
Awewe: Ewe overnight camp a kefinita pun mi fit ngeni mochenin ewe semirit me pwan ina met e mochen fori, ika iei ew minan mwut ngeni ewe resource caregiver ika ewe on-site CCI caregiver an “ngaseta”?
- d. Auchean apochokuna mamaritan me pochokunan ewe semirit.
Awewe: Fiti soccer ika football team mi anisi an ewe semirit epwe wor an nukunuk me awateno an kaeo?
- e. Omw etiwa me awora ngeni ewe semirit nenian ina met mi auchea.
Awewe: Iei och mettoch ewe resources caregiver ika on-site CCI caregiver epwe mwut ngeni noun ika noun mwumwu (semirit) epwe fori? Iei och mettoch epwe appeti ewe mwokutukiut me annukun ewe mwich?
- f. Ewe mwokutukut, memef, me aweiresin manawen ewe semirit me an ewe semirit tongeni an epwe tumwun ne fiti ekkewe mwokutukut.
Awewe: Ngeni ei semirit porausan foforongawan nisou ngeni chommong chiechier, mi mwut ngeni an epwe pusin imwuno on an epwe finioch non an finata? Ewe semirit a fen angei mettochun aninis an epwe finata met mei eoch?
- g. Ekkewe anean me mochen ren emon serafo.
Awewe: Emon serafo a mochen epwe sa on skateboard. Ifa taman an wawa ewe skateboard? Ifa usun an epwe tumwun? Ian ewe semirit/serafo epwe wawa ewe skateboard ian non ewe nenian skate ika park? Met ewe semirit/serafo epwe pipisek ekkewe pisekin appet?

3. Apochokuna ngeni ekkewe Ra Ierin Fori Mwokutukut me ngenir foforun “Normalcy”

Namotan ar repwe topweno murin ekkewe annukun ewe angangeochun/tumwunuochun iin/sam ngeni semirit fanitan tumwun me pochokunan semirit non nonomwun emon semirit ren omw kopwe sotuni ne fori me sinei mwokutukutun ewe semirit me serafo ar repwe tongeni sinei pun meinisin repwe fori ena esisin ren mamaritar me tumwunur seni ne kukunur tori ar watte.

- a. Apochokuna ewe semirit/serafo, anongonong on ierir me ukukun ar tongeni, ar repwe tongeni fiti ekkewe mwokutukut mei eoch ngenir ren social me extracurricular events, tumwunun semirit, anini/kaeo ika pusin mochenir ar repwe fori mettoch ika angang, churi ar famini, me sinei nounoun fon.

- b. Fori met mei namwot, ierum ren curfew me apwonuweta fansoun mi affat.
- c. Mwut ngeni epwe fiti angangan computer ika foforun electronics, mi pachenong nounoun cell phones me social media (poraus online) nge epwe mwumwuta ika fan nemenian ekkewe resource caregivers me on-site CCI caregivers.
- d. Mwut ngeni ewe semirit/serafo ar fansoun ne kunou ren met mei fifis ika met mei normal. Ewe semirit/serafo epwe meni fiti kukunou nepwin ika planini an epwe no kunou an epwe anisi nonomwun, ika pun ewe licensed resource caregiver me ewe on-site CCI caregiver repwe finata nge ewe kunou epwe eoch pwan tumwun.
- e. Asinei ngeni ewe chon angangan Child Welfare Services (CWS) an epwe nomwono unusan ew pwiin anapano ren ru pwiin, me mwan ewe mettoch epwe fis.
- f. Kopwe pwan sinei met inan me saman ewe semirit ir mi wanong fanitan ekkewe mwokutukut ir mei mochen nour we semirit epwe fiti, me inet epwe tufich ngeni, apacharenong non omw kokot.
- g. Background screening ese namot ngeni emon semirit an epwe fiti sukun ika mwich me mwokutukutun eoreni pwan kunou, ren an sukun field trips, dating, camping, mouruno non ew neni me kukunou ngeni chiechiom, famini, sukun, me mwiich non faan.
- h. Affata ren ier mei eoch me mumuta me apochokuna ren pekin kokotun moni.
- i. Pwarata an semirit/serafo aukukun ar sinei nupwen ar nonom non foster care mei usun chok pwan an ekkoch semirit mi wewe fengen ierir.
- j. Kutta ew fansoun omw kopwe aitir ar repwe pusin fori on inisir, poputa seni ne kukunur. Ngenir mefier, apochokunar, atures ngeni me mwut ngeni emon semirit an epwe fori mi mwan in anen an iin/sam aiti ngenir ar repwe tongeni fori on pusin inisir.
 - 1. Weweiti pun manawan serafo mei aweires nge mei normal pwan pochokun. Serafo ir mei fori och angang mei ariafou ren aukukun ar tumwun me nonomwur, mei pwan mwut ngeni serafo ar repwe fori me kaeo seni met re fori mei mwan non ewe neni ir mi nonom non.
 - 2. Semirit/serafo resapw nuokus ne nusuni nenier ika re fori mettoch ese pwung.

4. Poraus me Aninis

Resource caregivers me on-site CCI caregivers fan ekkoch ir mei tongeni poraus ngeni ewe chon angangan CWS me ekkoch nupwen repwe pwungupwung on met repwe fori ika rese konien sinei ika osukosuk fanitan foforun ewe taropwen aureur. Ir mei pwan tongeni poraus ngeni ewe semirit/serafo me ar we team (CWS worker, GAL, therapist etc...) ika ir mi need aninis ika training ren ifa usun ar repwe anisi ekkewe serafo ren osukosuk fanitan eoreni, neni, namanam mi pwan affat ren osukosukan nonomwur ren at/nengin.

Resource caregivers me on-site CCI caregivers repwe pwan awora aninis, me amwicha ew aterenges non anukunuk ren ekkewe semirit/serafo, nge repwe achocho ne kutta ar aninis nupwen repwe need ar fori ei.

5. Met mi fis me mwan Kapwung

Mefian ewe resource caregiver me on-site CCI caregiver ren normalcy activities esapw tongeni epwe contrary ngeni ew akomwan court order. Awewe, ika mei wor ew court order visit ngeni inan/saman ewe semirit non Ran-Ammon, ew “normalcy activity” mei ketiw seni ewe resource caregiver me on-site CCI caregiver resapw awasano ika fori me mwan ewe akomwan court order fanitan ar chufengen non Ran Ammon.

Ewe Department epwe asinei ngeni ewe resource caregiver me on-site CCI caregiver kunokun/fansoun ewe court order an ewe resource caregiver epwe fori an akkot ngeni ewe semirit/serafo.

6. Kapas eis an epwe anisi resource caregivers ren foforon ika finatan “normalcy”:

- Ei mwokutukut mei awora eochun social development?
- Ifa ukukun ai sinei ei semirit/serafo?
- Nei we semirit/serafo mei pwari pun a watean epwe pusin finata ren met mei eoch ngeni nonomwun/ierin?
- Ngang mei mwut ngeni pusin nei we semirit an epwe fiti ei mwokutukut?
- Io epwe fiti ei mwokutukut?
- Met nei we semirit/serafo mei weweiti met re need ren ar safei ika ir mei tongeni ureni ekkoch ar repwe tongeni anisir?
- Met ei mwokutukut mi angawa ewe court order?
- Kunokun ei activity epwe weneiti an chon non omw famini etto visit, counseling appointment ika doctor’s appointment?
- Met nei we semirit/serafo mi sinei io epwe kokori me sinei met epwe fori ika a wor emergency ika mettoch mi atapwanapwan?
- Met nei we semirit/serafo mei weweiti ach aureur ren apwonuweta kunokun me fansoun ren curfew, mumutan kesiwinin last minute ngeni ewe plan me met epwe fis ika ese fori met mi affat?
- Nei kewe semirit/serafo ir mei tongeni pusin tumwunur?
- Ika epwe eoch me tongeni, ngang mei tongeni poraus ngeni inan me saman ewe semirit/serafo ren met ar ekiek/memef ren nour kewe ar repwe fiti ewe mwokutukut?
- Ewe normal activity epwe angawa ewe kokot ika ei awewe mei fen katou ngeni ewe semirit/serafo?
- Ngang mi mwo fen sinei pun ewe resources mei tongeni anisi ewe resource caregiver

II. Auchean Foforun/Mwokutukutun ewe Angangeochun/Tumwunuochun Iin/Sam Ngeni Semirit fanitan Tumwun me Pochokunan Semirit

Ew me nein ekkewe napanap ren serafo iei ren sinei napanapom me nonomum. Serafo ra fori ei seni ar fiti ekkewe activities mi awateno ar sinei me pwapwaiti, nge pwan seni ar pusin kutta ia repwe weweiti me pwarata nonomwur me nenier ika ar namanam. Ei pekin kao mei pwan nom non nikinikin sinei me kapas eis ren pusin inisum.

Iei pwan ew Auchean ekiek ika met mei nom non ewe angangeochun/tumwunuochun iin/sam ngeni semirit fanitan tumwun me pochokunan semirit ar repwe pwarata me atou met mei appeti ekkewe mwichen serafo repwe churi ar fiti ekkei mwokutukut. Awewe, serafo ir mei pwapwo ika mei worn our me ekkewe mei wor terir ir mei need aninis ar repwe fiti ika nomw non ei/ekkei eochun mwokutukut. Pwarata me akkota ekkei pekin aninis pwan iei sopwosopwun exercising the standard iwe epwe pwan nomw non ei case plan.

1. Mwenian me Meefian Emon Serafo

Azufonu mwenian ekkewe kukkun me ekkewe ra watte ika serafo mei wor ar pwuung non ewe kinikin ar repwe atoura osukosuk ren sexuality, nipwakingawan ekkewe mei wor terir me io ir on pusin winikaper. Anisi ekkewe serafo ren met ir mei nonomw non, atenekir me anisir ar repwe tongeni uwau mefier. Resource Caregivers me on-site CCI caregivers ir mi pwan need ar repwe anisi ekkewe serafo ar repwe apochokuna inisir ne monukano/poutano met mei appeti non ar nonomw ika non manawer. Epwe meni wor ew need omw kopwe kutta me nukun, aninis ika chon sinei ar repwe anisi ekkewe serafo.

2. Nonomwun Eoreni

Uruomw me Neniomw:

Nupwen semirit/serafo seni sakopaten neni ra nomw non ew neni tumwunun semirit ika Child Caring Institution (CCI), ewe resource caregiver me on-site CCI caregiver epwe wor an fansoun kao me weweiti porausan ika uruwon ekkewe semirit/serafo. Ei mei pwarata sufon esapw chok ngeni ewe semirit, nge pwan ngeni wesen an famini.

Porausan emon serafo mei feito seni nonomwun ika uruwon. Pwan ew anen aninis ngeni serafo ren omw essina me etiwa uruwon me ranin ar apwapwa,

eoreni, foforon ener mongo me eorenier seni ian re feito me ian. Resource caregivers me on-site CCI caregivers repwe finata ar repwe fiti mwichen aterenges, fairs ren eoreni, art me music festivals, me ekkewe mwokutukut mi fis fanitan eoreni me nonomwun ewe semirit.

3. Auchean Tumwunun Mokur me Inis:

Napanapom/nikinikum mei fokkun auchea ngeni meinisin, pachenong semirit/serafo. Resource caregivers me on-site CCI caregivers re tumwunu semiritan ekis, repwe sinei pun cheen mokurer me winicher mei sokono seni mokurer me winicher. Poraus ngeni an ewe semirit famini ika an aterenges ren aureran cheen mokurer me winicher ina auchean ar repwe angei ar sinei fanitan cheen mokuran me winichan semirit. Nupwen esapw pwonuweta ei, poraus ngeni ekkewe chon aninis awewe ren noun ewe semirit dokter me chon tumwunur.

4. Namanam & Nukunuk

Fini me fori angangan souneng mei ketiw fanitan met mei eoch an iin/sam epwe wor rer fanitan sufon me ren nour kewe semirit mei tupwun seni ewe US Constitution nge mei chok nomw nupwen emon semirit/serafo epwe tonong non foster care. Ekkei pwuung ese keuk seni ekkewe taropwen aureur. Me nukun ena, ekkei mettoch epwe nomw non ekiekum nupwen emon epwe eisinuk kopwe fiti ew mwokutukutun mwichefen me nupwen emon epwe pachenong non ew foforon mwichefen ren resource caretaker's me on-site CCI caregivers.

- a. Inan/saman ewe semirit mei wor ar pwuung ar repwe uwau mefier ngeni mwichefen, nukunuk, ika ekkewe mwokutukut fanitan nour kewe semirit.
- b. Ierin ewe semirit mei murino an epwe tongeni fini mwokutukutun namanam ika nukunuk ren menni e mochen epwe fiti.
- c. Mei wor semirit/serafo ark ewe famini ese wor ar namanam nupwen ekkoch ekkewe resource caregiver me on-site CCI caregivers, namanam ika nukunuk epwe ew auchea ngeni manawan ar famini. Mei mumuta ne uwato ewe semirit/serafo an epwe fiti, nge kosapw tongeni fori foforon souneng ngeni emon semirit/serafo.

Kose mochen no ngeni ekkewe kapas me ponuwan non ena kinikin fan ren tichikin Annukun ewe Hawaii Administrative Rules (HAR) 17-1625 me 17-1627 mi anisi ewe constitutional rights ren semirit me ar namanam.

5. Semirit me Serafo: Pwarata En Emon Met ren Mwan ika Fefin ika Omw Identity

Kaeon en emon met ren mwan ika fefin pwan ina kinikin mamarita. Semirit me serafo ra affat ren LGBTQ repwe awora ar fansoun usun chok pwan ekkewe ekkoch semirit/serafo. Non ena fansoun, repwe need sopwosopwun ika och aninis ar repwe pusin kaeo ngeni ar identity non ew neni mei eoch me tumwun. Ei mei pachenong: fiti ewe mwichen aninis ren LBGTQ, ika

mwokutukut ren LGBTQ organizations, ika sotuni ren sakopaten foror ika nikinik me mwokutukut. Tufich non meinisin mei fokkun need ren serafo ar repwe participate non ekkei mwokutukut mei efisata tumwunun ewe neni ren LGBTQ non foster care. (Sufon mei pwan need ren fororun ekkoch mwokutukut ren LGBTQ ren an epwe fat pun ekkewe semirit/serafo non foster care ir mei tumwun pwan pochokun).

Resource Caregivers me on-site CCI caregivers repwe kutta aninis me porausan aninis me fansoun ren semiritan LGBTQ me serafo ika rese mwo sinei porausan me kutten aninis ren chon angangan CWS, therapist me ekkoch chon aninis nupwen repwe need. Ren an emon serafo epwe kutta menni activities epwe mochen ngeni me need, nenian aninisin activities epwe meni towaw nge mei pwan mumuta sein aninis me kesiwinin ika forun ewe curfew ika fansoun niwinsefan.

Pwan ekkoch mettoch mei ketiw ren LGBTQ serafo epwe pachenong:

- Awora me tumwunun pisek mei nomw fan an emon serafo an epwe sinei pun i emon met ren mwan ika fefin (identity).
- Nounoun kapas ren an emon serafo mochen awewe ren: at, nengin me fen ker ngenir iter re mochen.
- Aninis ren semiritan/serafon LGBTQ non mwich me nenian kaeo epwe katou seni ewe serafo.
- Cheki ewe semirit/serafo omw kopwe fat ika ir mei tumwun me ketiw non ewe neni ika non sukun me pwan non ar aterenges.

6. Tumwunu Serafo mi Pwopwo ika Mei Wor Nour Semirit

- a) Mei pwopwo me ekkewe serafo ren iin/sam ir mei pwan churi ekkoch osukosuk ar repwe nomw non “normalcy” an epwe affat non ewe case plan. Iin me sam repwe nis non ar angangan iin me saam me pwan non ar fifiti ekkewe mwokutukut. Aninis fengen me ekkoch mwokutukutun iin/sam epwe kawor pwan an ewe serafo pwuung ren emon iin/sam epwe pwan wor sufonun me nis non ar nonomw. Kokotun tumwunun semirit epwe for ren an iin/sam epwe wor ar fansoun ar repwe no sukun me angang usun chok pwan fiti ekkoch pekin angangan aninis.
- b) Sam repwe pwan nis me pachenong non mwokutukutun nepoputan ewe pwopwo me tori an ewe semirit epwe upwutiw an epwe anisi fefeitan me pochokunan nefiner me ewe semirit pwan nefiner me inan ewe semirit.
- c) Ekkew kukun iin/sam repwe anomwu ar pwuung ngeni nour kewe semirit usun ekkew non-minor parent ika mwo ir mei nomw non ewe child welfare system. Iwe, ika emon semirit a tou seni fan nemenian ekkoch ren feiengaw, tumwunungaw ika neniengaw, ei popun epwe chok fis ar repwe achufengeni ewe semirit me inan/saman.

7. Semirit me Serafo mi wor Terir

- a) Semirit me serafo mi wor terir me wor ar osukosuk repwe pwan fori usun chok ekkoch ren ar fiti ekkewe mwokutukut mei eoch ngeni ekkoch esapw wor terir.

NONOMWOCHUN SEMIRIT ME SERAFO NON FOSTER CARE

- b)** Resource caregivers me on-site CCI caregivers repwe angang fengen me noun semirit/serafo kewe chon angangan CWS ar repwe pwarata menni sakkun angang me aninis repwe need ar repwe tou seni met epwe appetir ar repwe fiti ekewe mwokutukut. Non ekkoch nikinik, tou seni osukosuk epwe meni pachenong kaworan aninis ngeni ewe semirit/serafo an ewe chon aninis, sukun ika mwiich awora fansoun ngeni ewe semirit/serafo.